

Izjava supervizora za Brčko Rodericka Moorea na konferenciji za medije u Brčkom

Izjava supervizora za Brčko Rodericka Moorea na zajedničkoj konferenciji za novinare sa gradonačelnikom Brčko Distrikta, tužiocem, dopredsjednikom Skupštine i zamjenikom šefa policije u Brčkom 23. novembra 2011.

Prije više od dvije godine, međunarodna zajednica je zaključila da institucije Distrikta funkcioniraju efikasno i po svemu sudeći trajno.

Taj zaključak označio je važnu prekretnicu u evoluciji Distrikta Brčko, kao kulminaciju brojnih godina uspješnih reformi. Taj zaključak bio je takođe važan kao korak prema okončanju specijalne međunarodne uloge u Brčkom.

Ovaj zaključak prolazi kroz veliku probu u posljednjih nekoliko mjeseci, tokom kojih je došlo do možda najgore političke krize u Distriktu od njegovog osnivanja.

A u sljedećih nekoliko mjeseci suočit će se sa možda najtežim testom.

Pitanje je da li su nadležni za provođenje zakona i pravosudne institucije Distrikta voljne i sposobne da se agresivno bore protiv korupcije i da kažnjavaju one koji krše povjerenje javnosti i kradu iz javnih kasa.

Zapanjio me je duboki skepticizam velikog broja ljudi u Brčkom, ljudi iz svih slojeva društva, koji sumnjaju da su njihove institucije sposobne da to odrade. Zapanjilo me je prevladavajuće ubjedjenje da su moći ljudi u Distriktu iznad zakona.

Operacija Bingo nudi priliku institucijama da pokažu građanima da su zaista sposobne za to, da su iznad politike i da zaista zaslužuju povjerenje koje im je ukazano.

Naravno, ja ne znam da li su osobe protiv kojih se vrši istraga krive ili ne, niti je moja uloga da procjenjujem njihovu krivicu, odnosno nevinost.

Međutim, ono što znam je da su ovdašnji organi za sprovođenje zakona i pravosudne institucije pod lupom. Njihov pristup ovom slučaju uveliko će uticati na stavove građana i međunarodne zajednice o tome koliko su te institucije efikasne.

Ljestvica nije postavljena visoko. Sve što se očekuje je da tužoci i sudovi pravedno dijele pravdu i da osumnjičene u ovom slučaju tretiraju kao što bi tretirali svakog drugog građanina Distrikta – bez obzira na njihovo ime, nacionalnost, stranačku pripadnost, ili položaj u političkom životu ove zajednice.

Ukoliko pravosudni organi Distrikta ne polože test pred kojim se nalaze, bit će to veliki korak unazad za demokratski razvoj u Brčkom. To bi bila poruka međunarodnoj zajednici da pravosudni organi nisu istinski nezavisni i oslobođeni neprimjerjenih pritisaka. Što je još važnije, to bi građanima Distrikta potvrđilo da se pravda provodi selektivno i nepravedno.

Drago mi je što su mi se danas pridružili i gradonačelnik Miroslav Gavrić, tužilac Zekerija Mujkanović, zamjenik šefa policije Fahrudin Selimović i zamjenik predsjednika Skupštine Ivan Krndelj. Njihovo današnje prisustvo, meni – a nadam se i građanima Distrikta – pokazuje da vođstvo Distrikta podržava borbu protiv korupcije i nastojanja da se osigura da se vladavina prava poštuje bez izuzetka.

Drago mi je što sam od njih danas čuo o konkretnim koracima koje će oni preuzeti u borbi protiv korupcije u narednom periodu: gradonačelnik je govorio o akcionom planu za borbu protiv korupcije, a zamjenik predsjednika Skupštine o inicijativi Skupštine za borbu protiv korupcije. Zahvaljujem im na njihovim naporima i hrabrosti do sada.

Hvala.